

Teatro Interdisciplinario cu "Arquitecto" den Cas di Cultura

ORANJESTAD (AAN) -- Den Juli 1988 a cuminsa un curso di teatro bao direccion di Amy Lasten, Nicoline Nagtzaam, Erick den Hartog, Hans v.d.Velden y Anny Mokotow. Un grupo di 23 actor, director y amantenan di teatro a asisti.

Durante e curso aki e "script" di e obra "Los Naufragos" a worde usa y adapta pa teatro, cual a resulta den presentacion di un obra (Sept. '88). Los naufragos a worde subsidia door di Unoca.

Despues di a cera conoci cu e forma interdisciplinario aki, a lanta un interes grandi cerca e participantenan pa sigui.

Na Februari '89 a inicia cu e proyecto Festeseco '89 bao guia di Amy Lasten y Roland Tromp. Enfasis den e proyecto aki a worde poni riba dos nivel:

****promer nivel** tabata encera direccion di un obra propio y un grupo nobo;

****di dos nivel** tabata pa cu actuacion y creatividad di e actor.

Na e proyecto aki a participa 14 director, 83 actor y 23 colaborador riba tereno di luz, decor, vestuario, rekisitonan y musica.

E proyecto a resulta den un festival local, Festeseco '89, unda un total di 12 grupo a participa cu 12 obra original (Juli '89).

Na November '89 a inicia un workshop pa directornan di Festeseco '89, un follow-up cursus, cu a termina na December.

Na Januari '90 a sigui cu e obra "Mijn arme hoofd". E proyecto aki mas bien tabata un preparacion pa e proyecto di e Arquitecto. E proyecto aki a inicia dia 9 di April di e aña aki, cu un total di 20 participante, cualnan a caba un curso pa dirigi teatro, y esaki tabata bao direccion di Nicoline Nagtzaam, asisti pa Amy Lasten.

Ademas di esaki tambe a tuma lugar un workshop pa video bao direccion di Hannus Taken.

Un biha mas e participantenan a traha cu e forma interdisciplinario di traha teatro. Esaki ta encera cu for di inicio di e training, luz, decor, musica, vestuario y rekisitonan ta bay forma parti integral di e obra.

Cu otro palabra ta cu tur esakinan ta forma un harmonia. Actualmente ensayonan ta tumando lugar pa e obra e "Arquitecto", cual lo tuma lugar 4 Juli den Cas di Cultura.



Prome Ministro Oduber:

Proximo conferencia labamento di placa na December

ORANJESTAD (AAN) Pa December 31 proximo cada pais lo reporta na e presidente di e conferencia decision di nan gobiernonan REGARDANDO e 61 recomendacionnan.

Prome Ministro di Aruba, Sr. Nelson O. Oduber, presidente di e prome conferencia, lo consulta cu otro nacionnan Caribense pa determina e sitio caminda e siguiente conferencia lo tuma

lugar na December. Oficialnan di e conferencia aki lo ta riba un nivel Ministerial.

"Nos convenio ta incorpora ideanan di tur pais participante. Nos tin un programa ambicioso pasobra nos ta realisa nos mes claramente e peligran cu nos ta enfrentando," Prome Ministro Oduber a bisa. "Podiser e logra mas grandi di e conferencia aki, hasta mas grandi cu acercamiento cu nos a conveni pa logra, ta e establecimiento di un base fuerte

di cooperacion cu lo sirbi nos bon den futuro. Nos lo continua cu e proceso di implementacion di e 61 recomendacion conveni na e conferencia aki mediante seccionnan na September y December."


Prome Ministro Oduber a bisa cu e delegadonan cu a atende a conferencia y e cantidad di e nacionnan participante ta duna muestra di e commitment fuerte di nos region pa institui medidanan pa combati labamento di placa.

E nacionnan cu a atende e conferencia ta: Aruba, Bahamas, Barbados, Bermuda, British Virgin Island, Canada, Cayman Islands, Colombia, Costa Rica, Republica Dominicana, Francia, Honduras, Jamaica, Mexico, Hulanda, Antiyas Hulandes, Panama, St. Vincent y the Grenadines, Trinidad y Tobago, Reino Uni, U.S.A. y Venezuela.


ATS

ARUBA TOOLS & SUPPLIES


Guyabastraat 20 A, Dakota Telf: 34892



AFL.1450.-




AFL.1600.-




AFL.1465.-

Engine/Shop Hoist



20 Ton



POTOSHI SERVICE



- Pa servicio di Chica Pos

- Chemical toilet for rent

Tel: 35877